

<<Քայլ առ քայլ >> բարեգործական հիմնադրամ

<<Նախադպրոցական հաստատության մանկավարժական աշխատողների մասնագիտական կարողությունների և հմտությունների զարգացման>> ծրագիր

ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Էքսկուրսիաների և մշակութային այցերի դերը սաների զարգացման գործում

Դաստիարակ՝ Վերա Միմոնյան

Մանկապարտեզ՝ <<Մեղրի համայնքի մանկապարտեզ >> ՀՈԱԿ

2023թ.

Բովանդակություն

Ներածություն.....	3
Ինչու եմ ընտրել այս թեման.....	5
Գլուխ 1.....	9
Էքսկուրսիան և նրա կարևորությունը	
Գլուխ 2.....	12
Էքսկուրսիաներ և մշակութային այցերի դերը սաների զարգացման գործում	
Հետազոտական աշխատանք՝ - Մշակութային այց - Մանկական	
գրադարան.....	14
Եզրակացություն.....	22
Գրականություն.....	23

ՆԵՐԱԾՈՒԹՅՈՒՆ

Մշակույթ, կուլտուրա լատիներեն բառ է, նշանակում է մշակում, դաստիարակում: Այն ձևավորում է հասարակության և մարդու որոշակի մակարդակ: Մշակույթը այն ամենն է ինչ շրջապատում է մարդուն և հասարակությանը: Մշակույթը պահպանում է ազգը, պետությունը, թույլ չի տալիս ձուլվել ուրիշ ազգերի, տարբերվում է մյուս ազգերից: Մեզ ճանաչում են նաև մեր մշակույթի շնորհիվ:

" Մշակույթը այն է , ինչ մնում է, երբ ամեն ինչ մոռացված է" Էրի(ֆրանսիացի քաղաքական գործիչ, գիտնական):

Պետք է պահպանել այն, ինչ եկել է մեզ դարերից, ստեղծել նորը և փոխանցել սերունդներին:

Էքսկուրսիա բառը լատիներեն նշանակում է կոլեկտիվ ուղևորություն' գիտական, կրթական նպատակով:

Էքսկուրսիան մեթոդ է, որը անբաժան է նախադպրոցականի բոլոր փուլերում և ունի զարգացման, կրթական, դաստիարակչական նպատակներ: Էքսկուրսիաների և մշակութային այցերի շնորհիվ երեխային փոխանցվում է գեղագիտական բովանդակությամբ մեծ տեղեկատվություն' արվեստի, նրա տարբեր տեսակների, ժանրերի, տեսարժան վայրերի, գրադարանների, մանկական պատկերասրահների, պատմամշակութային կոթողների , հայրենի բնաշխարհի, ազգային ավանդույթների վերաբերյալ:

Մշակույթի դերը երեխայի ընդհանուր զարգացման, աշխարհայացքի ձևավորման, մտահորիզոնի ընդլայման, տրամաբանական մտածողության գործում մեծ դեր է խաղում: Զարգանում է երեխայի ուշադրությունը, դիտողականությունը, մտածողությունը, նաև խոսքը:

Հայ նշանավոր մանկավարժ Ա. Բահաթրյանն ասում էր" Ուսուցման մեջ առաջինը և կարևորը դիտողականությունն է, երեխայի առաջին դիտողությունները վարժեցնում են նրա զգայարանները, իսկ զգայարանները այն դուռն է, որով արտաքինը մտնում,

թափանցում է ներքին աշխարհ: Ինչ- որ չի անցնում զգայարաններով , նա առհասարակ չի մտնում հոգու մեջ:Ուստի միշտ ուսուցման պրոցեսում նախ պետք է երևան գա գաղափարը, իսկ հետո՝ բառը:Միայն այդպես կարելի է մշակել լեզուն, իսկ լեզվով՝ հոգին ու միտքը":Էքսկուրսիաների ընթացքում երեխաների մոտ, բարձրանում է կարգապահությունը, կազմակերպվածությունը, ամրապնդվում են վարքային կանոնները:

ԻՆՉՈՒ ԵՄ ԸՆՏՐԵԼ ԱՅՍ ԹԵՄԱՆ

Երեխաների զարգացման գործում մեծ տեղ տալով, կարևորելով էքսկուրսիաների և մշակութային այ երի դերը ընտրեցի այս թեման:

Աշխատանքի ընթացքում օգտագործել եմ ամեն մի հնարավորություն պարապմունքները խմբասենյակից դուրս՝ մանկապարտեզի տարածքում(այգիներում, ծաղկանոցում, տաղավարում) բնության գրկում, տարբեր վայրերում կազմակերպելու համար:

Էքսկուրսիաները, մշակութային այցերը բազմազան գունեղանգներ են, որոնք ավելացնում են իմ պարապմունքների թեմաների ներկայանակին:

Մշակութային այցեր ենք կազմակերպել՝ Հ.Իգիթյանի անվան Գեղագիտության կենտրոնի Մեղրիի մասնաճյուղում : Երեխաների հիացմունքը,զգացողությունները աննկարագրելի էր, երբ դիտեցին մանկական պատկերասրահում իրենց հասակակիցների գործերը:Ծանոթացան նկարչության ժանրերին, ծանոթացան կիրառական արվեստին, գորգագործությանը:Քանի որ նկարչության պարապմունքների ընթացքում հաճախ ենք անդրադարձել բնանկար, նատյուրմորտ, ավելի սակավ դիմանկարին, երեխաները առանց դժվարության մատնանշեցին այդ նկարները:Նրանք ուրախ և տոնական տրամադրությամբ վերադարձան գույների հրաշք աշխարհից:Մի քանի օր նրանք անգամ պարապմունքներում պատմում էին իրենց տպավորությունները,իսկ նկարչության պարապմունքներին փորձում էին օգտագործել ավելի գունեղ, պայծառ գույներ և ստանալ նոր երանգներ:Նրանց մոտ ավելի զարգացավ գունազգացողությունը,գեղեցիկը առանձնացնելու,տեսնելու կարողությունը:

Մշակութային այց ենք կատարել Մեղրիի Սուրբ Հովհաննես եկեղեցի (17-րդ դար) դիտելու Նաղաշ Հովնաթանի դպրոցին պատկանող որմնանկարները, որտեղ կային դրվագներ հայոց պատմությունից: Հայկական և պարսկական ոճերի միախառնումից ստեղծվել էին հետաքրքիր լուծումներով նկարներ:Երեխաներին հիացրեց ոչ միայն որմնանկարները իրենց գունեղությամբ, այլ բուսական և երկրաչափական տարրերով ստեղծված նախշազարդերը, որոնք ասեղնագործություն էին հիշեցնում իրենց նրբությամբ և գույների երանգների հետաքրքիր համադրությամբ:

Երեխաները ուշադիր լսում լսում էին, հարցեր էին առաջադրում, որոնք իրենց մեջ ներառում էին նաև հայոց պատմության, Մեղրիի բերդ-ամրոցների(բուրջերի) մասին: Նրանք գիտեին, որ Դավիթ Բեկը մասնակցել է և ղեկավարել թշնամու դեմ մեղրեցիների պայքարը հենց այդ դիտակետ բերդ- ամրոցներից:

Այցելել ենք 18-րդ դարում կառուցված, այժմ արդեն " Արևիք" հյուրատունը, որտեղ ապրել են մեղրեցի ականավոր բժիշկ գիտնական Մ. Մեժումյանների գերդաստանը: Դա այց էր դեպի Մեղրիի պատմության խորքերը, դեպի մեր արմատները:

Երեխաների ուշադրությունը գրավեց երդիկը, հնամյա տնային իրերը՝ սնդուկ, կրակով գործածվող արդուկ, պատերի մեջ փորված խորշեր, որոնք պահարան են ծառայել, հնամենի լամպեր, գորգեր, կարպետ, փայտյա բազմոց : Յուրահատուկ ճարտարապետության նմուշ էր կախված փայտյա բաց պատշգամբները, նախշազարդ շրջանակներով կամարածև լուսամուտները: Ուշադրություն դարձրեցին փայտյա դարպասին՝ երկայթյա թակիչներով , որը ժամանակին ազդարարել է հյուրերի գալուստը, հացահատիկից այլուր ստանալու քարե սանդը:

Այդ այցերից հետո երեխաները երկար ժամանակ խոսում էին, պատմում էին իրենց տպավորությունները, հարցնում էին մեղրեցիների կենցաղի, սովորույթների մասին: Շատ կարևոր է հայրենաճանաչությունը վաղ հասակից: Ձևավորվում է սեր հայրենիքի, հայրենի քաղաքի նկատմամբ Պետք է սիրել հայրենիքը, գնահատել ունեցածը, ամուր պահել, պաշտպանել հողը թշնամու ոտնձգություններից:

Այս աշնան ամիսների ընթացքում շատ ենք եղել աշնանային գույներով օծված այգիներում: Այցելել ենք ,երբ տերևները նոր էին ոսկեօծվել, այցելել ենք, երբ հասունացել են մրգերը, երբ տերևաթափ էր և չորացած տերևները խշշում էին երեխաների ոտքերի տակ: Այդ բոլոր այցերի ընթացքում երեխաները հավաքել են բնական նյութեր(գույնգույն տերևներ, կոներ) և աշխատել են այդ նյութերով կերպարվեստային պարապմունքների ընթացքում :

Այս օրերին երեխաները մասնակցեցին Մեղրիի վերջին մրգերի բերքահավաքին: Այգեպանի հետ մանկապարտեզի այգիներում արքայանարինջ և սերկևիլ քաղեցին, փոքրիկ զամբյուղներով տեղափոխեցին և խնամքով դասավորեցին արկղերում:

Էքսկուրսիաները հայրենի բնության, շրջապատի, հայրենի եզերքի հանդեպ սեր, հոգատար վերաբերմունք են արթնացնում, ամրակայում երեխաների գիտելիքները, հարգանք դաստիարակում աշխատանքի և այդ աշխատանքը արարողների, տարբեր մասնագիտությունների նկատմամբ: Բնությունը կախարդական ազդեցություն է ունենում երեխայի ներաշխարհի վրա: Երեխան տեսնում, զգում է բնության հարուստ գունախաղերը, արևից շողացող ջրի կաթիլը, թիթեռի թևիկների նախշազարդումը, տերևի

հրաշք գույները և այդ բոլորը տանում է իր հետ, տանում է փորձելով նույնը փոխանցել թղթին, պատմելով փորձում է նույն զգացողությունը փոխանցել մյուսներին: Մի անգամ հանդիպումը գեղեցիկի հետ, այնպես է տպավորվում, որ արդեն նա ամեն երևույթի մեջ, ամեն առարկայի մեջ փնտրում է գեղեցկություն :

Հայ մեծ մանկավարժ Խ. Աբովյանն ասել է " Բնությունն իր բազմապիսի առարկաներով ու երևույթներով, իր պես- պես գույներով ու ձայներով, դրանց միջև եղած պատճառա- հետևանքային զանազան կապերով, իր սքանչելի գեղեցկությամբ ու անկրկնելի ստեղծագործություններով ամենամեծ ուսուցիչն է": Այդ ուսուցիչ-բնությունն է, որ երեխաներին սովորեցնում է ճանաչել բնությունը: Որպես ուսուցման միջոց, շրջապատին, բնությանն, հասարակությանը ճանաչելուն, շրջապատի մասին ռեալ գիտելիքներ հաղորդելուն նպաստում են էքսկուրսիաները, որոնք պետք է լինեն մեր պարապմունքների անհրաժեշտ բաղկացուցիչ մասը:

Մեր ավանդույթներից մեկի՝ չրագործության հետ ծանոթանալու համար այցելեցինք աշնանային այգի և այգուն կից՝ չորանոց: Երեխաները ոչ միայն դիտեցին, թե ինչպես են մեծահասակները արքայանարնջից չիր պատրաստում, ինչպիսի աշխատանքներ են կատարում(կախել ամուր թելերով, փափկեցնել և այլն) այլ նաև մասնակցեցին այդ գործընթացին, հետո մասնակցեցին նոսան գինի պատրաստելու աշխատանքներին:

Երեխաների տոնական տրամադրությունը, ոգևորությունը մինչև հիմա չի լքում նրանց: Տպավորությունները շունչ ու հոգի առան, արտացոլվեցին նրանց նկարներում, որտեղ փորձում էին արդեն թելերից կախված, արևի տակ հուրհրացող արևավառ, կրակագույն արքայանարինջները և աշնանային այգին ներկայացնել հեքիաթային աշնան հարուստ ներկայակի բոլոր գունաերանգներով:

Ձեռք բերված գիտելիքները երեխաները օգտագործում էին օգտագործել մյուս պարապմունքների ընթացքում, եթե թեման առնչվում էր աշնան հետ:

Այցելությունը Խաչագ տուն՝ հնամենի թոնրի դիտումը, այնպես ոգևորեց երեխաներին, որ որոշեցինք նորից էքսկուրսիա կազմակերպել, այս անգամ ծնողների հետ, մեր ավանդական թոնրատուն: Այնտեղ երեխաները դիտողի դերում չեն լինի: Մայրիկների հետ միասին խմոր կպատրաստեն, կգրտնակեն և թոնրում լավաշ կթխեն, կզգան դարերից եկող լավաշի բույրը և կվայելեն:

" Հաց" թեման անցնելիս մեր էկոլոգիայի խմբասենյակում, որտեղ կա նաև" Խոհանոց" բաժին, մեր օգնությամբ երեխաները ջեռոցում հաց և թխվածքարվիթ թխեցին, վայելեցին: Ասացին, որ այդպիսի համեղ հաց չեն կերել:

Քանի որ Մեղրիում ձյունը սակավ է լինում, եթե անգամ գալիս է մինչև երեխաները սկսում են խաղալ, հալչում է, որոշել ենք Մեղրիի բարձրադիր գոտիներում, (որտեղ ամառանոցներ

կան), երբ ձյուն տեղա, ծնողների հետ գնալ էքսկուրսիա:Եվ երեխաները կհագենան ձյունից
և կծնվի մի հետաքրքիր պարապմունք լի անակնկալներով:

Մի քանի օր առաջ նորից կազմակերպեցինք մի նոր էքսկուրսիա, կրկին մշակութային այց'
մանկական գրադարան, որն էլ դարձրել եմ իմ հետազոտական աշխատանքի թեման:

ԳԼՈՒԽ 1

ԷՔՍԿՈՒՐՍԻԱՆ ԵՎ ՆՐԱ ԿԱՐԵՎՈՐՈՒԹՅՈՒՆԸ

Էքսկուրսիաները մեծ դեր ու նշանակություն ունեն նախադպրոցական տարիքի երեխաների կյանքում: Էքսկուրսիան ուսումնական գործընթացի ձևերից մեկն է, ուսուցման մեթոդներից մեկը, որի միջոցով երեխաները ամրապնդում են իրենց տեսական գիտելիքները, լսածը տեսնելու, վերացականը պատկերավորմանը փոխարինելու, պատկերացում կազմելու, մատուցվող նյութի մասին:

Հնարավորություն է տալիս ուսուցանվող թեմայի տեսականը զուգակցել գործնականին: Ուսումնական և դաստիարակչական այս առանձնահատուկ ձևը՝ էքսկուրսիան հնարավորություն է տալիս բնական պայմաններում դիտարկել առարկաները և երևույթները, միաժամանակ երեխայի մոտ ակտիվացնելով մտավոր ակտիվությունն ու հուզական ոլորտը: Ամեն էքսկուրսիա անկախ թեմայից դառնում է երեխաների համար հիշարժան իրադարձություն, դուրս սովորական առօրյայից իր բազմազանությամբ, նոր տպավորություններով և հետաքրքիր մատուցված գիտելիքներով: Էքսկուրսիաների բոլոր տեսակների կիրառումը շատ կարևոր է երեխաների զարգացման համար, քանի որ դրանց համադրումը բերում է համակողմանի զարգացման:

Երեխաների ճանաչողական զարգացման ուղղությամբ աշխատանք է տարվում և՛ պարապմունքների ընթացքում և՛ ազատ գործունեության ժամանակ, էքսկուրսիաների, մշակութային այցերի ժամանակ: Էքսկուրսիայի հիմքում ընկած է ճանաչողական (գննական) մեթոդը, որը կարևորագույն մեթոդ է: Երեխաների ճանաչողությունը տարրերային գործընթաց է, որը կապված է էմբրոգենեզիսի ամբողջ ընթացքի հետ: Էմբրոգենեզը կապված է մարմնի ընդհանուր զարգացման, նաև նյարդային համակարգի և մտավոր գործառույթի զարգացման հետ: Դա ընդհանրական զարգացման գործընթաց է, որը կապված է ճանաչողական համակարգի հետ: Ճանաչել,

նշանակում է վերափոխել, հասկանալ այդ վերափոխման գործընթացը և հետևանքը, թե հասկանալ ինչպես է այն կառուցված:

Էքսկուրսիայի ընթացքում ճանաչողությունն իրականացվում է՝ ակներև ընկալում(պատկերացում, զգայություն) երեխայի կողմից ստացված պատկերացումների հիման վրա հասկացությունների ձևավորում ճանաչողությունը մտածողության մեջ իրականության արտացոլման և վերարտադրության ընթացքն է:Այդ ընթացքում անմիջական կապ է ստեղծվում շրջապատի, միջավայրի հետ:Էքսկուրսիաները ճանաչողական գիտելիքների աղբյուր են:Ուսումնական էքսկուրսիաները ուսուցման կազմակերպման լավագույն ձևերից են: Էքսկուրսիաների էությունը կայանում է ցուցադրման և բացատրման համակցության մեջ:Էքսկուրսիայի ընթացքում կիրառվում են ուսուցման բացատրական-ցուցադրական, զրույցի, գործնական և այլ մեթոդներ:Զգայությունից է սկսվում իրական աշխարհի օբյեկտիվ ճանաչողությունը: Զգայությունների միջոցով աշխարհի ընկալումը իմաստավորվում է և մշակվում է մարդու գիտակցության մեջ: Տեսողությանը միանում է մյուս զգայարանները և մտածողության գործունեությունը: Զարգացման վաղ փուլերում երեխան մտածում է ավելի շատ պատկերներով , քան հասկացություններով: Հասկացությունները հեշտ են ընկալվում, երբ ամրակայվում են փաստերով, պատկերներով: Զգայական ընկալումը հեշտացնում է երեխայի գիտելիքների յուրացման գործընթացը: Հետևաբար ուսումնադաստիարակչական գործընթացում գիտելիքի հաղորդումը ցանկալի է հաճախ կազմակերպել էքսկուրսիաների միջոցով , հաշվի առնելով , որ յուրացումը ավելի խոր և կայուն է լինում:

Էքսկուրսիաները օգնում են երեխաներին պատկերացում կազմել շրջապատող աշխարհի մասին:Էքսկուրսիաները նպատակաուղղված են նրանց կրթական, գեղագիտական, ֆիզիկական զարգացմանը:Զարգացնում են երեխաների բարոյական, գեղագիտական հատկանիշներ, տալիս այնպիսի գիտելիքներ,օժտում այնպիսի ունակություններով, որոնք ձևավորում են արժեքային համակարգ: Այսպիսով էքսկուրսիաները և մշակույթային այցերը երեխայի գեղարվեստական, ստեղծագործական ու ճանաչողական մտածողության ձևավորմանը նպաստող գործունեության ձևերից են:Ինչ բնույթ էլ կրեն էքսկուրսիաներն ու մշակույթային այցերը, դրանք օժտված են բարձր ազդեցությամբ և արդյունավետությամբ: Դրանք

ընդլայնում են աշխարհընկալումը, հարստացնում ճանաչողական գիտելիքները,
զարգացնում բառապաշարը, ձևավորում հետաքրքրասիրությունը,
ինքնաճանաչումը,ինքնագործունեությունը,
նախաձեռնողականությունը: Դաստիարակում են սեր դեպի բնությունը, հայրենի
երկիրը, դրանց տեսարժան վայրերը, հուշարձան-կոթողները, ձևավորում են
գեղագիտական ճաշակ, նպաստում են միջնանձնային հարաբերությունների
ձևավորմանը:

ԳԼՈՒԽ 2

ԷՔՍԿՈՒՐՍԻԱՆԵՐԻ ԵՎ ՄՇԱԿՈՒԹԱՅԻՆ ԱՅՑԵՐԻ ԴԵՐԸ ՍԱՆԵՐԻ ԶԱՐԳԱՑՄԱՆ ԳՈՐԾՈՒՄ

Էքսկուրսիաները դիտվում են, որպես աշխարհաճանաչողական գիտելիքների հաղորդման միջոց: Էքսկուրսիաների և մշակութային այցերի դերը սաների զարգացման գործում հետապնդում է ուսուցման, զարգացման և դաստիարակչական նպատակներ: Կրթական գործառույթը երեխաների մոտ ձևավորում է իմացական գիտելիքներ: Էքսկուրսիաներն ու մշակութային այցերը նպաստում են աշխարհընկալմանը և ճանաչմանը: Էքսկուրսիաները զարգացնում են երեխայի բարոյական, գեղագիտական հատկանիշները: Էքսկուրսիաների նպատակն է. տալ երեխաներին գործնական գիտելիքներ, զարգացնել ունակությունները, որոնց միջոցով ձևավորվում են արժեքային համակարգ (սեր հայրենիքի , նրա պատմության, մշակույթի, արվեստի) նկատմամբ: Ընդլայնվում է մտահորիզոնը, հետաքրքրությունները, խթանվում է նրանց ստեղծագործական ակտիվությունը, նպաստում է ինքնուրույն դատողություններ կատարել, գալ եզրահանգման:

Էքսկուրսիան նպատակաուղղված է երեխայի հոգևոր, գեղագիտական, ֆիզիկական զարգացմանը: Էքսկուրսիաների ընթացքում ստացած տեղեկատվությունը տպավորիչ է, հուզական և մնայուն, որովհետև իրականացվում է անմիջական շփման և հաղորդակցման միջոցով: Էքսկուրսիաները մեծ նշանակություն ունեն երեխաների խոսքի զարգացման առումով , քանի որ դրանք խթանում են հաղորդակցվելու ցանկությունը, երկխոսելու ունակությունը, կապակցված խոսքը, բառապաշարը: Էքսկուրսիաների և մշակութային այցերի ընթացքում, բառապաշարը հարստանում է, որովհետև բառը կապվում է տվյալ հասկացության , իրի, երևույթի դիտման և զննման հետ և դառնում է որոշակի:

Ռուս մեծ մանկավարժ Ուշինսկին, գտնում էր, որ խոսքը չի կարող զարգանալ առանց մտքի, իսկ միտքը զարգանում է, եթե մտքի, առարկայի մասին երեխան պարզ ու կոնկրետ պատկերացում ունի: Ոչ մի կերպ հնարավոր չէ, նոր բառերի յուրացումն այնքան կայուն դարձնել, որքան էքսկուրսիայի միջոցով:

Էքսկուրսիաները նպաստում են երեխայի բարոյական մտածողության զարգացմանը վերլուծելու, ընդհանրացնելու ունակություններ: Չարգացնում են ստեղծագործական երևակայությունը, ճաշակը, զարգացնում են նաև շարժողական ակտիվությունը:

Դաստիարակումը գործունեության այն ձևն է, որը նպաստում է երեխայի բարոյական, հայրենասիրական դաստիարակությանը, ձևավորում հուզական վերաբերմունք շրջապատի և շրջապատում տեղի սնեցող իրադարձությունների

նկատմամբ: Էքսկուրսիաների ընթացքում յուրացվում են տարբեր միջավայրերում վարվելակերպի նորմեր, ձևավորվում են կարգապահություն, կազմակերպվածություն, վարքի ճիշտ դրսևորումներ տարբեր վայրերում:

Էքսկուրսիաները, որպես բնությունն ու հասարակությունը ճանաչելու, շրջապատի մասին գիտելիքներ հաղորդելու, հայրենաճանաչության, ավանդույթների ծանոթացման և պահպանման գործում մի միջոց է, որը պետք է միշտ կիրառել ուսուցման գործընթացում:

ՀԵՏԱԶՈՏԱԿԱՆ ԱՇԽԱՏԱՆՔ

Մշակութային այց'- մանկական գրադարան

Ավագ խումբ- տևողությունը-25-30

Պարապմունք- ԻՇԱ

Թեմա-"Հեքիաթների աշխարհում"

Տեսակը-Հեքիաթի դիտում"- Կարմիր գլխարկը" Շառլ Պերրո

Նպատակը- Շարունակել երեխաներին սովորեցրել հասկանալ հեքիաթի

բարոյախոսությունը, հասնել հեքիաթի հուզական ընկալմանը, ընդլայնել երեխայի հուզական, զգացմունքային աշխարհը, վերաբերմունք արտահայտել հերոսների արարքների հանդեպ, գնահատել հերոսների արարքները:Զարգացնել կապակցված խոսքը, հետաքրքրություն առաջացնել դեպի գեղարվեստական գրականությունը, խնամքով վարվել գրքերի հետ, ձևավորել հարգանքի զգացում գրադարանավարի աշխատանքի նկատմամբ:

Վերջնարդյունք-պատմել հեքիաթը դեպքերի զարգացման հաջորդականությամբ:

Գիտակցել գրադարանի, գրքերի դերն ու նշանակությունը:

Մանկապարտեզից դուրս, գրադարանում ընդունված վարքային կանոնների կիրառում:

Նախապատրաստում-1. "Թզուկ" տիկնիկային թատրոնի երեխաներին օգնել բեմադրելու" Կարմիր գլխարկ" հեքիաթը:

2. Պայմանավորվել մշակութի կենտրոնի տնօրենի հետ, նաև գրադարանավարի հետ, օրվա և ժամի համար:

3. Մինչ գրադարան այցելելը այնտեղ տանել աղվես- տիկնիկին, հեքիաթային, կերպարային հագուստներ(արջ, գայլ, նապաստակ), տանել գունավոր լուսարձակ,որը պետք է ապահովի հեքիաթային միջավայր :

Նախապատրաստական աշխատանքների ընթացքում անդրադարձել ենք

հեքիաթներին,երեխաները շատ հեքիաթներ գիտեն, գիտեն մանկագիրների, գրուցել ենք գրադարանների մասին, բայց ոչ մի անգամ չենք այցելել գրադարան:

Ընթացքը- երեխաներին նախապես չէի տեղեկացրել,որ մանկական գրադարան ենք գնալու, որպեսզի անակնկալ լինի,հեքիաթի հերոսների և երեխաների հանդիպումը լինի իսկապես հանդիպում հեքիաթի հետ:

Առաջարկեցի գնալ մոտակա զբոսայգին դիտելու աղավնիներին: Երբ երեխաները շրջապատը մոռացած գմայլանքով դիտում էին աղավնիներին, ականջ դնում նրանց արձակած մեղմ ձայներին, հանկած հայտնվեց փոքրիկ հրաշագործը փայլուն փայտիկով: Հեքիաթից եկած հրաշագործը բարևեց երեխաներին, ծանոթացավ և առաջարկեց իր հետ գնալ հեքիաթների աշխարհ: Երեխաները համաձայնվեցին և փակեցին աչքերը, որ հայտնվեն հեքիաթային աշխարհում: Երբ բացեցին աչքերը հրաշագործը արդեն չկար, բայց մինչև անհետանալը նա թողել էր դեպի հեքիաթային աշխարհը տանող, գեղեցիկ գույներով նշված երթուղին: Առաջնորդվելով նշված երթուղով հասանք մանկական գրադարան, որը շատ մոտ էր մեր մանկապարտեզին: Այնտեղ մեզ արդեն սպասում էին հրաշագործը և աղվեսը: Աղվեսը ողջունեց երեխաներին և նրանց հրավիրեց ներս մտնել հեքիաթների կախարդական դարպասով: Հրաշագործը թափահարեց իր փայլփլուն փայտիկը և գույնզգույն լուսարձակի ցուլքերի տակ, որը իսկապես մթնոլորտը դարձրել էր հեքիաթային, ներս մտան և հայտնվեցին " Կարմիր գլխարկ" հեքիաթում: Նրանք չթուլացող հետաքրքրությամբ և ուշադրությամբ, բոցկլտացող աչքերով դիտեցին հեքիաթը, ընթացքում պատասխանելով հերոսների հարցադրումներին: Երբ գայլը ասաց, որ որսորդին չասեն, թե ինքը ուր է գնում, շարունակեց ճանապարհը և կուլ տվեց տատիկին, երեխաներից մեկը ավստասանքով ասաց, որ պիտի տատիկին կամ որսորդին զգուշացնեն:

Այս հեքիաթը երեխաներին ծանոթ էր, բայց դիտում էին մեծ հափշտակությամբ, շունչները պահած: Նրանք դիմակտիկ նյութերի առկայությամբ լսել էին հեքիաթը, բայց հիմա տեսնում էին, դիտում, նաև ինչ- որ չափով մասնակից դառնում ներկայացմանը : **Հեքիաթի** ավարտին, երբ փրկվեցին և՛ տատիկը և՛ թռռնիկը փրկվեցին, նրանք անզուսպ ուրախությամբ գրկեցին հերոսներին, իսկ վիրավոր գայլին խնդրեցին հեռու մնալ տատիկից և թռռնիկից:

Հետո հեքիաթի հերոսները երեխաներին առաջնորդեցին կից սենյակ, որտեղ դարակաշարերի վրա դասավորված էին բազմաթիվ գրքեր: Նրանք զգուշությամբ դիտում էին պատկերազարդ գրքերը, խնամքով թերթում գրքերի էջերը իրար զգուշացնելով, որ հանկարծ լպատռեն, չէ որ այնտեղ են գտնվում նրանց սիրելի հեքիաթների հերոսները: Գրքերի մեջ փնտրում էին իրենց ծանոթ հեքիաթների

հերոսներին, գուշակում էին, որ գիրքը որ հեքիաթի մասին է: Հետո շրջեցին գրադարանում, գրողների, բանաստեղծների նկարների մեջ գտան իրենց սիրելի մանկագիրներին, ուշադրությամբ լսեցին գրադարանավարուհու բացատրությունները և չզգացին թե "Կարմիր գլխարկ"-ի հերոսները երբ հեռացան: Քիչ տխրած փորձեցին գտնել և գտան տարբեր հեքիաթների հերոսների հագուստներ: Մեծ ոգևորությամբ կերպարանափոխվեցին և դարձան հեքիաթների հերոսներ: Նրանց այդ խաղը շատ դուր եկավ: Անգամ Դավիթը անմաս չմնաց գրադարանում տիրող աշխույժ եռուզեռից: Նա նույնպես ընտրեց հեքիաթային վագրի հագուստ, հագրեցինք մեծ ցնծություն պարզելով նրան: Ամբողջ դիտման ընթացքում նա ուրախ արձագանքում էր, ծափահարում, շոյում հերոսներին: Երեխաները չէին ցանկանում հեռանալ գրադարանից, ցանկանում էին բոլոր գրքերը իրենց հետ տուն և մանկապարտեզ տանել, որ մենք

ամեն օր կարդանք, ցանկանում էին բոլոր տառերը շատ շուտ սովորել, որ առանց մեծահասակների օգնության կարդալ:

Հրաժեշտին նրանք աղվեսին խնդրեցին իրենց հետ վերադառնալ մանկապարտեզ: Աղվեսի հետ վերադարձանք մանկապարտեզ ամփոփելով այդ հետաքրքիր պարապմունքը: Երեխաները այնքան ոգևորված էին, որ ցանկացան աղվեսի համար նկարել, այդ օրվա տպավորությունը, իրենց զգացած այդ օրվա զգացողությունները: Նկարեցին, բայց ոչ բոլոր երեխաները և առաջարկեցին աղվեսին ընտրել ամենագեղեցիկ նկարը: Աղվեսը բոլոր նկարները գեղեցիկ համարեց և իր հետ տարավ հեքիաթների աշխարհ:

Երեխաները մինչև հիմա, ամեն առիթով պատմում են գրադարանում ապրած զգացողությունների մասին և առաջարկում են պարապմունքները գրադարան տեղափոխել: Հաճախ զարմացած հարցնում են, թե ինչու գրադարանում աղվեսը խոսում էր, ինք ուրույն շարժվում, իսկ մանկապարտեզում ես էի փոխանցում աղվեսի խոսքերը և իմ օգնությամբ էր շարժվում: Գրադարանում հուզական, զգացմունքային ֆոնը այնքան բարձր էր, որ երեխաները չճանաչեցին իմ ձայնը, չիմացան որ ես էի կերպարանավորում աղվեսին: Համոզված են ,որ հեքիաթային աշխարհում նորից կլսեն աղվեսի ձայնը, երբ էլ որ հայտնվեն այնտեղ:

Այս այցը երեխաներին ավելի մոտեցրեց գրքին, հեքիաթներին, զարգացրեց տեսողական, խոսքային ունակությունները, հարստացրեց բառապաշարը, կապակցված խոսքը, մտածողությունը, ստեղծագործական երևակայությունը, ճանաչողությունը, ընդլայնեց զգայական աշխարհը, նոր զգացողություններ ավելացնելով: Պահպանվեց գրադարանում ընդունված վարքային կանոնները:





Պարապմունքին մասնակցեցին՝ մանկապարտեզի տնօրեն՝ Սյուզաննա Սարգսյանը
Դաստիարակներ՝ Ա. Ներսեսյան
Լ. Մելքոնյան

Տնօրեն՝ Ս.Սարգսյան-Դաստիարակը մշակութային այցը պլանավորելիս խնամքով նախապատրաստվել էր՝ ստեղծել էր հեքիաթային բեմադրություն, ապահովել էր կերպարային հագուստներ՝ բոլոր ներկա սաների թվով: Ներկայացվեց <<Կարմիր գլխարկը>> հեքիաթը, հեքիաթային դարպասից ներս երեխաները կերպարանափոխվում են հեքիաթային հերոսների և դիտում են ինտերակտիվ բեմադրությունը: Դաստիարակը ապահովել էր նաև տիկնիկային հերոսների ներկայությունը, սաները անչափ տպավորված էին: Այցը գնահատում եմ գերազանց, քանզի երեխաները նման այցերի և այլընտրանքային պարապմունքների միջոցով ավելի շատ գիտելիքներ են ձեռք բերում և ապացուցված է, որ նման դեպքերում նրանք առավել ճիշտ դիրքորոշում են ցուցաբերում: Պարապմունք- այցի նպատակը համարում եմ հասանելի, քանզի դաստիարակը կարողացավ զարգացնել երեխաների երևակայությունը և զարկ տալ ստեղծագործական մտքի ձևավորմանը: Ձևավորող գնահատման գործիքը կիրառվեց <<Աստղաթափը>>:

Ա. Ներսեսյան- Սկզբից մինչև վերջ երեխաների հետաքրքրությունը չմարեց: Անգամ Դավիթը, որ չի կարողանում խոսել, ժեստերով, միմիկայով մասնակցում էր բեմադրության դիտմանը: Նրա աչքերը ոգևորություն և ցնծություն էր արտահայտում: Զգացվում էր, որ որոշ չափով, գուցե ոչ խորությամբ ընկալում էր հեքիաթի բովանդակությունը: Այցը ուսուցողական էր, արդյունավետ: Երեխաները իրենց հետ շատ բան տարան...

Լ . Մելքոնյան

Երեխաները ապրեցին հրաշաքի հայտնության բերկրանք:Ակտիվ էին,
նախադասությունները կապակցված էին:Այսպիսի այցերը կարևոր դեր և
նշանակություն ունեն երեխաների զարգացման գործում:Երեխաները ավելի
ընկալունակ են դառնում, ավելի ազատ են դառնում,ազատ են արտահայտում իրենց
մտքերը, միասին ապրումակցում են և այդ զգացումը ավելի է մտերմացնում
երեխաներին:

Կարծում եմ,որ պարապմունքին հասա այն արդյունքին, որին ակնկալում էի:

ԵԶՐԱԿԱՅՈՒԹՅՈՒՆ

Էքսկուրսիաների և մշակութային այցերի դերը սաների զարգացման գործում" թեմայի ուսումնասիրությունը թույլ տվեց հանգելու հետևյալ եզրակացության ,որ Էքսկուրսիաների և մշակութային այցերի դերը անփոխարինելի է երեխաների զարգացման գործում:Համոզվեցի, որ երեխաների հետ տարբեր վայրերում աշխատելը ավելի հետաքրքիր է և արդյունավետ, նաև կարևոր:Մինչ հետազոտական աշխատանքը կարևորել եմ էքսկուրսիաների և մշակութային այցերի դերը, դրա համար էլ ընդամենը մեկ եռամսյակում՝ առաջին եռամսյակում իրագործել եմ այդքան բազմաբնույթ Էքսկուրսիաներ և մշակութային այցեր:Ճիշտ է, այնքան էլ դյուրին չի կազմակերպել այդքան էքսկուրսիաներ բայց արդյունքը այնպես ոգևորող է, որ մոռացնել է տալիս այդ ողջ գործընթացի շատ աշխատանք պահանջող նախապատրաստությունը: Աշխատելով հետազոտական թեմայի շուրջ ավելի խորությամբ, ավելի համոզվեցի ,որ և՛ կրթական և՛ դաստիարակում և՛ զարգացման գործունեության ձևերում բաց տեղ չի մնում, եթե օգտագործում են բոլոր հնարավորությունները ուսումնական գործընթացում կիրառելով էքսկուրսիաները և մշակութային այցերը:Էքսկուրսիաների և մշակութային այցերի ընթացքում ինքնուրույնության դրսևորումները ակտիվացնում են երեխայի զարգացման գործընթացը, մղում ինքնուրույնության, իսկ երեխայի ինքնուրույնությունը նրա զարգացման և անձնավորության ձևավորման կարևոր գործոն է:

ԳՐԱԿԱՆՈՒԹՅՈՒՆ

1. Լ. Ասատրյան, Գ. Հակոբյան <<Մանկավարժություն>> Երևան 2007թ.
2. <<Նախաշավիղ>> գիտամեթոդական հանդես 2015 թ.
3. Գյուլամիրյան <<Խոսքի զարգացում>> Զանգակ.
4. Լ. Սմբատյան, Լ. Վերդյան, Հ. Մինասյան <<Մանկապարտեզի միջին խմբի կրթական համալիր ծրագիր>>:
5. wikipedia.org

